

# Saudade

I

Estiva a serán... Rosado encaixe  
o sol encubre  
no benigno ceo...

Todo é dozura... Suave síntese  
a brisa latexar  
do maino céfiro;  
ond'a o rego no enxido valado  
as augas marmurar  
baixo os Salgueiros;  
e n'as ondas, o musgo miudiño,  
as follas murchadas  
semellan mantelo,  
no que as bágoas, que arrinca o dolore  
cal brillantes febras  
camiñar as vexo.

II

¡Ay... que ás lembranzas do meu espirto  
xa non responden  
sensibres ecos,  
dos que na edade de rosa e de ouro,  
da xuventude  
nos anos ledos  
mentras da sorte según os pasos  
cicais xuraron  
afeuto eterno  
Albre frorido na Primaveira  
da miña vida  
Sentinme cheo,  
cando, abundantes de min en torno  
crein nas froles  
o amor sinxelo.  
Chegou o Estío d'adversidades  
crisol xigante  
dos sentimentos...  
¡Das farras tolas pasou a edade!  
unha trás outra  
se desprenderon.

III

Cal follas murchas no tibio outono  
por vals e montes  
espalla o vento,  
pra eternamente separar todas  
as que n'un mesmo  
tronco viviron...  
tal, de min lonxe... a vida senten  
os que d'a miña  
sabia naceron.  
Da luz fulxente das ilusións  
sombrio rayo  
cae o postreiro;  
os que nas horas de louca farra  
dérонme vida  
cos seus alentos,  
das desventuras do meu dôr fillas  
da miña angustia  
síntense alleos.

IV

¡De min coitado!... Frío e nevoso,  
cruel, infresible  
chega xa o Inverno...  
Eu que n'un día cheo abondaba,  
¡desamparado  
son, sin achego!...  
¿Quén nas postreiras crudas xiadas  
calor daráme  
co amigo seo?...  
¿Quén n'esta loita xigante, mágoa,  
hacharei ¡triste!  
pra min valeiro?...  
Mais... si a Dios compre, da miña vida  
frío e nevoso  
sentir o inverno...  
Quero ¡coitado!..., anque sin forzas  
loitar fervente  
desnudo o peito.  
Cando abatido, da loita canso  
horfo socumba  
no chan incerto...  
¡Quero n'angustia da miña sorte  
o anxel me atope  
¡¡mirand'o ceo!!...

SEIXO REI